

有正味齋詞集

有正味齋詞續集卷一目錄

錢塘 吳錫麒 聖徵

江上尋煙雨

剔銀燈

題喻少蘭申江惜別圖

春從天上來

鮑照

憶舊游

題潘壽生西湖訪秋圖

湘春夜月

國朝時梁溪鮑讓侯在吳門有狹斜之遊過名妓潘湘雲遂訂密約後鮑落魄江湖久霸不返潘爲其家逼嫁老兵抑鬱以死好事者圖之傳花樹下後昆山人畫師陸芝仙爲摹本以貽長洲胡眉峯景題自甚衆余填此調卽用卷中汪飲泉潮生韻

洞仙歌

郭頻伽題春山霽玉詞

祝英臺近

題綠花海瀨元惜花早起圖

齊天樂

絡緯仕女圖撫南宋畫院本

滿江紅

題家埒城承牧可畊圖

霓裳中序第一

題聊書常動吳山雅集圖中凡七人程易疇瑤田歙人
袁陶軒舒鄞人晦之大昭嘉定人陳仲魚海寧人胡
維君虔桐城人邵懷粹志純仁和人書常以鄞人而寓居
吳山蓋為之主者七人皆以嘉慶元年徵舉孝廉方正是
日則三年夏六月二十七日為書常生日也至今又十年
維君懷粹俱已化去書常田示此卷為之撫然因題此詞
以志之

西子妝

余擬五月赴揚承李西齋以詞贈別未及荅也萍蹤稽滯迨秋未始得
成行落葉西風益難為懷抱矣因用其韻酬之并以為銷寒訂

風蝶令

題拾畫蝴蝶扇頭

壺中天

送徐斗垣同年午之漢陽用洪桐生韻

買陂塘

題梁星子台陵茗精舍讀書圖

賣書聲

題錢叔買書董姬小影

翠樓吟

題嚴修能畫扇齋秋怨詞

瑞鶴仙

題秦敦夫編修思慎校書圖

金縷曲

家近客屬題射仙姑主人墨書詞卷

憶舊遊

題蔡德雲息隱圖第二圖

百字謠

題屈致國夢草圖蓋其兄視林儀部作也視林爲辛丑庶常時余被命分校故相知甚深後因散館改官不久歸里今歿且十餘載矣令弟致國以此索題爲賦是解撫今感昔不覺黯于言也

金縷曲

題李夢集明府海上釣鼈圖

扁中尋舊約

題陳月峴增江山席飲圖

買坡塘

題石鏡春風圖瘦竹幽花館與詞圖

江城梅花引

題舒竹溪慎旃梧竹雙清圖

滿江紅

題袁簡齋前輩隨園雅集圖遺照

憶舊游慢

周希甫太守以補官北上舟過維揚洪甥生昭同人集平山堂用宋人趙虛齋詠荷花詞韻倚聲以送之酒後興生亦聊以當陽關

三疊云耳

孤鸞

題顧西梅畫小青小影

一萼紅

凌芝泉招同人過篠園觀芍藥歸集停雲館談會甚盛汪珊雲以此謝賦詞三章紀事芝泉因屬友人繪圖索題余亦繼作

買陂塘

釣絲

金縷曲

題凌芝泉荆襄感舊圖

柳梢青

題程一庵柳衣園圖卽用汪柘巖太守韻

玉京謠

元夕後風信俗稱落燈風卽金吟老詩所謂電燈風也

柳梢青

題查槿客有折鋼琴館圖

絳都春

唐花

如此江山

題柳如是初訪半野堂小影應查槿客屬

轆轤金井

題厲熱山聊芳秋林讀書圖

齊天樂

鵲橋

滿江紅

河燈

桂枝香

題唐子畏美人拈花圖

摸魚子

題陳受生均行胸看山圖

門百草

門草

永遇樂

木瓜

憶舊游

題改七鄢詩少年總兩圖

湘江靜

送張仲雅還湘潭任

木蘭花慢

木筆花

江城子

送家香公還粵東

有正味齋詞續集卷一

錢唐 吳錫麒 聖徵

江上尋煙語

剔銀燈

題喻少蘭中江惜別圖

一霎旗亭秋雨斷送那人歸去病柳將飛寒煙自盪孤負此花
誰主無情南浦料難把晚潮畱住怎忍飄流塵土兜惹相思
無數愁暈燈搖淚痕衫浣曾誓心兒相許酒醒何處賸葉打琵琶如語

春從天上來

鏡聽

拂拭圓冰要好語催來著意丁寧擘絃兜軟和粉搯輕入抱已

覺春生怕瞞伊女伴出門去小步伶仃漸前頭看街簾靜人定
初更依稀隔花風轉又鶯鶯燕燕遞出雙聲樂事酬儂歡情
餘汝抵似密約深盟料心心照見千里外與證分明七神靈願
容再淬人鏡圓成

憶舊游

題潘壽生西湖訪秋圖

漸銷金歇後渲碧平初已帶荒寒十里煙蕪遠早斜陽望盡重
倚闌干隱隱暗愁生處瘦入一眉山甚等伴先來紅衣獨立楓
樹前灘 闌珊斷橋畔漸柳褪絲絲誰共吟攀約略淒涼意只
分從雁際并入蛩邊莫訝菊花期近風雨有些酸只隔住天涯
寥寥空碧何處看

湘春夜月

國初時梁溪鮑讓侯在吳門有狹斜之遊遇名妓潘
湘雲遂訂密約後鮑落魄江湖久羈不返潘爲其家
逼嫁老兵抑鬱以死好事者圖之梅花樹下後崑山
女畫師陸芝仙爲摹本以貽長洲胡眉峰量題者甚
衆余填此調卽用卷中汪飲泉潮生韻

問丹青幾時重掃眉痕畫出一段清愁漠漠只如塵已是落梅
天氣儘柳描成黛草長爲裊歎夢難尋處東風捲雪花掩殘尊
前情試訴離都迸淚聚亦成雲鷺地相思恁惹著碎環零珮
也替消魂酸香遞過料瘞來定在苔根怕翠羽又聲聲喚起催
伊去也月冷煙昏

洞仙歌

郭頻伽屬題春山羶玉圖

頻伽自魏塘移家來杭主於錢唐薛氏薛有女月璘名娟者其夫人素君愛憐特甚視之若女女亦以母呼之會其父卒頻伽將有越行月璘遂隨其夫人共往不數月又聞其母死耗悲痛遽卒時年纔十七也女慧麗端好而命薄如此是可哀已頻伽爲買地葬於葛嶺之麓且爲之銘而屬其友孫君蔚堂爲圖以紀余題是詞戊辰四月廿五日

明明豔骨怎催教苔瘞者樣曹騰甚身世倚東風只似笛裏梅花花過處無奈雲荒月碎 孝娥江上路誰與招魂隔了盈盈一條水松栢認西陵麥飯年年還銷得禁煙天氣怕又聽蕭蕭唱秋墳子夜歌殘白楊風起

祝英臺近

題孫花海

瀨元

惜花蚤起圖

漏頻移燈乍燼催夢枕函墮起拓紅窗一綫曉煙破料已賽得
鶯先趕伊蝶早定不料賣花聲過 悄無那莫道我惜春多偏
惹春憐我容易明朝攆卻無眠可只要旂卓朱高幔圍青軟預
防備五更風大

齊天樂

絡緯仕女圖撫南宋畫院本

梧桐葉落秋何處蕭蕭絡車催起小曳風纖疎鏗雨急禁得蟲
娘身世相思未已正愁緒頻牽者般憔悴冷逼柴門一絢燈火
夜如水 夢來還說畫院歎光陰幾度金粉殘矣花鳥前緣山
河舊夢憑著絲絲難繫楊家妹子定欸寫幽風授衣能記辛苦
誰憐暮寒修竹倚

滿江紅

題家將城承牧可畊圖

老瓦徐斟請聽我爲言田意趁一片平疇如掌遠風涼起盈把
秧栽梅水綠連陂草賽荷花紫儘芒屨穩步唱農謳斜陽裏
曾看破衣冠戲也經過錢刀市讓今番叱犢煙中來矣笠子遮
頭晴亦好稻堆齊屋秋逾美有蛙聲代課五行書吾何事

覽裳中序第一

題鄭書常勲吳山雅集圖

圖中凡七人程易疇瑤田歙人袁陶軒鈞鄞人錢

晦之大昭嘉定人陳仲魚鱣海寧人胡維君茂桐

城人邵懷粹志純仁和人書常以鄞人而寓居吳

山蓋爲之主者七人皆以嘉慶元年徵舉孝廉方正
正是日則三年夏六月二十七日爲書常生日也

至今又十年
維君懷粹俱已化
去書常出示此卷
爲之憮然因屬題此詞以志之

虛空逗石兩片席
莎陰能借與難得
江山勝處恰日永瓊壺騷
人初度虬枝起舞待倚欄
同譜涼句吟聲外白雲似水隔斷下
方暑
遙覩西興前渡早帆葉暗催人去
秋風容易迢遞問落了寒潮幾鷗堪數
畫圖朝又暮怕認到鬚眉已古待何日重編
感舊一卷鶴徵補

西子妝

余擬五月赴揚承李西齋以詞贈別未及答也萍踪
稽滯迨秋末始得成行落葉西風益難爲懷抱矣因
用其韻酬之并以爲銷寒訂

陶令耽閒嵇康習懶
不管軟蒲催挂荷花招手向陂塘道鷗邊

水雲能借莎亭薛樹且畱結年年僧夏只垂楊認折了還休拚
伊凋謝 渾無藉吹老西風又被饑驅也獨攜破硯上孤舟到
天涯供誰描畫蓬聲雨夜料難忘去溪邊漁舍計歸時微雪山
陰又下

風蝶令

題指畫蝴蝶扇頭

逐絮鬚粘白迷香翅拍紅多情脫手總春風莫笑活伊花底太
憐儂 過眼希夷捉關心儵忽逢但聽彈指響虛空早已夢回
煙草綠濛濛

壺中天

送徐斗垣同年午之漢陽用洪桐生韻

柳依依矣甚湘潭催去春帆愁早鬢影波心渾似舊偏是閒鷗

先老鶴瘦聊騎魚肥且食何事傷懷抱蕪城回首黯然空碧煙
草猶記塞雪寒埋征衣短後驅馬天山道一曲琵琶畱不住
畫入江南斜照粧試燕支歌翻勑勒不滿江花笑楚山幾點淡
蛾天外新掃

買陂塘

題梁星子台陵茗精舍讀書圖

占西湖一眉山瘦平泉無此高致當門隱隱雲攔住不許游紅
船艤帷下未怡帶著酸寒能稱梅花味隣鐘喚起更蒲褐同叅
茶禪回施修到福誰比斜陽外正見高枝絡紫凌霄尤羨名
字甘棠舊澤今無恙笏立數峰如睇珍重意要長養孫枝異饌
銅槃似龍蛇字裏道雪紙宜冬螢鐙照夏行樂四時記

圖後有四時讀書樂

山舟先生書也

賣花聲

題錢叔寶畫董姬小影

容易玉成煙春寄誰邊橫塘芳草自年年那道雲魂吹不去流
落人間眉黛似愁牽聽說從前桃花殘却秣陵偏一箇嬌嬌
傳樂府名士因緣

翠樓吟

題嚴修能畫扇齋秋怨詞并序

夫徂東動零雨之悲獨宿起錦衾之感古來善言情者孰有過
於詩人者乎若夫羅帶空持珠簾不捲絮墮無影花飛若煙狀
窈窕於倚聲託纏綿於按拍柔情相踟躕語時作此則茫茫春
水我亦欲愁黯黯秋江人能無恨也哉而况鮮卑人種追自姑
家法喜佛妻緡從梵夾翠謔隱於葉底紅笑生於花外鐫文君

之印牘尾常鈐讀仙人之詩淚痕先濕若修能者固宜賦誇臣
里題豔箇儂十索之詞不休九張之機並織外孫齋曰之語滋
味酸辛西風刀尺之心翦裁淒苦思之怨也聲其秋乎爰有西
湖寓公江州司馬感青衫之易冷羨白月之常明乃作秋江載
月圖寫於圖扇贈之舊夢江頭高情天上輕波沿溯彌有慨於
萍逢永夕團圓亮無愆於秋諾從此郎熏沉水篆卽回文妾焚
旃檀灰皆心字歡能替怨春且移秋囊叩叩而情通魚微微而
耦合蹇修爲理毋忘石鐘之山藁砧已歸不隔浮梁之路雪泥
賸在琴趣流連題曰畫扇齋秋怨詞此其不能已於情者吾甚
恐其過乎情也旣申其旨且以勗之云爾

低浸疎星斜飛細露銀河脉脉偷盼不關蟲杼急已先惹情絲
淒斷么蟾頻轉照舊夢浮梁光陰催換相思慣儘伊波折肯拋

秋扇 洗怨流過清江早畫船同載水窗曾見追來人種在悔
離淚青衫難浣涼花庭院定唾碧飄餘西風吟倦重撫卷酒醒
燈暗怕來新雁

瑞鶴仙

題秦敦夫編修恩復校書圖

娜嬛春不鎖放瑤珮聲聲來陪清課丹黃肯輕浣費辛苦研尋
兩鬢雲顰斜陽影過問訛字新讐幾箇怕金猊香冷灰殘蠹屑
一齊飄墮 青瑣當年曾記圖史橫陳萬花圍坐高談炙輠論
生計者時可只而今衰髻蛾眉也笑故紙鑽伊怎破枉思量逃
學光陰許誰拋躲

金縷曲

家迂客屬題此仙姑射主人墨書詞卷

吹落瓊樓語問行行搓冰捻雪可禁寒否如此清姿才綽約第
一墉城合數早折盡人間釵股不是神君能畫法只毫端活金
盤露掀墨痕看飛舞萬花捲起香陰護但聽得搖環曳珮欲
尋無處爲道蓬山仙侶熟最好倡子和汝且商畧者番琴趣寫
到白蘋紅蓼意攢秋聲正入江南譜風颯颯倏然住

搖得天
淡雲閒

中有步虛詞云
但有白蘋紅蓼

憶舊游

題蔡樾曇息隱園第二圖

正涼聲瀉竹密翠迷蕉陶逕人歸得閒雲意只相隨野鶴同
守柴扉晚來爲開新釀恰配白魚肥好笑語循陔吹花捉絮來
學兒嬉依稀輞川路看搖蕩淪漣煙水迷離多少林泉事任
分編小景細字重題最憐遠山如畫猶是六朝遺卻金粉都消

前溪老月橫一眉

百字謠

題屈拔園夢草圖蓋爲其兄硯林儀部作也硯林爲
辛丑庶常時余被命分校故相知甚深後因散館
改官不久歸里今歿且十餘載矣令弟拔園以此索
題爲是解撫今感昔不覺淒然於言也

悄然平碧慣蕭蕭黯黯愁生南浦爲望鴿原先目斷畫出暝煙
如許選樹鶯迷藏花蝶老總被斜陽誤一燈重翦謝池人已千
古還問內翰誰呼一場春夢不待回頭悟賸我白頭無藉甚
來續離騷殘譜聽雨寒凝吹篴響咽怕認靡蕪路吟魂如蒼夜
深遙唱秋句

金縷曲

題李夢集明府海上釣鼈圖

蹴得紅萍碎，驚鱗洲怒濤。滾滾駕山來矣，風雨蒼茫爭頃刻間。
有何人鞚制，再不料一竿能繫，收拾海天如鏡淨。算牽絲小試，
先生技驅鱷，手只如是。當時記箇青蓮李，仗天風送來背上。
弄雲而戲星斗，如錢隨手。摘歸向長安買醉，到今日讓君能替。
一樣文章仙格，在莫愁伊誤了蓬山。鱸看波浪等閒耳。

扁舟尋舊約

題陳月墀增江山席飲圖

沙鳥眠涼江風吹影悄。然片月飄天照來，苔席都忘賓主，但聞
笑語尊前是誰吹笛起。漸零亂漁燈可憐渡迷，瓜步潮回，鏡甕
陳迹幾堆煙。算不負江南佳麗，好儘六朝草樹，畫向鷗邊天。
涯回首旗亭牘，在依然湖海年年多情畱客住，要催了揚州夢。

圓不知酒醒人去夜來老鶴橫掠船

買陂塘

題石鏡春

同福

瘦竹幽花館填詞圖

問安排者般花竹公餘誰共吟和

姚述堯有蕭臺公餘詞

偷聲減字商纔定

又要換伊攤破忙無那怕滴粉搓酥惹得繁花浣門鑲鎖鎖只

尺八拖來芭蕉熨帖位置一紅安

關情甚可惜年華老我於

今意興都情旗亭記起雙鬢唱無奈春風吹過能幾箇共井水

人間名字如君播香圍翠坐儘女壻微雲尚書紅杏次第補清

課

江城梅花引

題舒竹溪

慎旗

梧竹雙清圖

最清清處沒塵生是聲清是心清但認厭欄梧竹影縱橫送過

琴言還箇譜者邊雨那邊風卻月明月明明夢難成草又
青鳩又鳴憶也憶也漫憶到楊柳蕪城往時竹溪到楊曾寓余
廬中今忽忽十餘年矣只惜鴿
原無路欸秋聲傷令兄石
溪下世我爲甘棠思一哭愁說與卯君聽

潘江紅

題袁簡齋前輩隨園雅集圖遺照

屋角堆堆簇簇著六朝山色道此處樹圍雲繞慣畱吟屐集比
西園圖宛在楔成南澗秋先得只時光換了秣陵潮聲蕭瑟
尚書履苔藓寂藏園筆春風息便翩翩公子已都頭白喬木賸
教池館護烏衣尚認簾櫳人間渡江若箇寓公能千秋憶

憶舊游慢

周希甫太守以補官北上舟過維揚洪桐生招同人
集平山堂用宋人趙虛齋咏荷花詞韻倚聲以送之

酒後興生亦聊以當陽關三疊云爾

正荒波鷗外老樹鶯餘綠與煙平故人天未返便將離花歇許
續新盟莫愁萬里驢背官况冷於冰只要徹底清來羣山對面
放眼都青林亭舊游處溯六一風流未改門庭聽話傳花樂
似詞仙此地咳唾曾承卻憐操了蠻語幾載楚江行

是日與談黔
中風土甚悉

待重到班春前旌相待楊柳津

孤鸞

題顧西梅畫小青小影

夕陽千古幾照到桃花者般酸楚瘦影亭亭料是可憐兒女丹
青縱能活脫恐難通那時眉語空牘癡雲入抱守一燈聽雨
便一池春水卿何與更一字消除情多無據稽首蓮臺恁得慈
雲常護因緣也知偃蹇怕爭伊並頭尤苦拚卻光陰草草付西

冷鷗鷺

一萼紅

凌芝泉招同人過篠園觀芍藥歸集停雲館讌會甚盛汪礪雲以此調賦詞三章紀事芝泉因屬友人繪圖索題余亦繼作

望亭林早攬來綠意簾鎖畫情惜惜蜂已移房鶯還選樹餘紅拚付波沉算只有此花能替莫等閒孤負殿春心沒骨圖開將離曲唱婪尾杯斟也說五雲多處惜翻堦句好若箇裁吟金帶圍空玉鉤斜冷卻添歌吹於今看一路載香船去盪燈光畫入柳陰深笑問嬉春杜牧街子誰尋

指青楊只者條門巷最慣踏斜陽結客尊罍惜香樂府今朝容得臣狂道一樣文章聲價趁光陰能幾開梳粧後日萍波前因

絮果此度花房

料我相逢會識早吹來吳語仿佛篷窗水調

傳歌灣頭喚渡二分月子畱將偏可惜衣香鬢影夢揚州也似

鶴飛忙待到銀河曉落魃地紅墻

時有校書月織在坐

幕開圖認提鵬擊鷺渾不待招呼六柱船停三間屋坐一般同

話江湖忽憶到大旗落日仗毛錐膽氣十分鑪丹青何處酒杯

剩對如此頭顱豪氣除猶未盡又琵琶拉雜催付檀奴煙軟

雲鬆金迷紙醉可能銷得魂無只欠我散花場裏坐蒲團一箇

老禪枯歎珍珠百琲才子詞翰

謂彌雲

買陂塘

釣絲

嫋筠枝一絲輕挂乍沉旋又吹起蜻蜓小立偏能穩恰稱夕陽
新理鉤上未記前度敲鍼曾學兒童戲沿綠慢水正柳影牽連

菰根攪亂鷗眼觀來細
休侈說海上珊瑚慣試投來都是釐
傾纖鱗亦解藏身去微惹落花牽曳情暗寄漸腹裏書傳容易
相思繫風波慎爾到玉尺堯時銀刀冑處弱縷也難避

金縷曲

題凌芝泉荆襄感舊圖

萬帳沉兵氣聽吹來鶯啼燕咤夜寒如水爲道青蛾情尤苦閱
過華嚴劫裏怕重墮者般身世賴有書生毛錐健護名花才得
罡風避論此段信知已天涯誰是羅敷壻甚闌干銀河近處
密雲先蔽憑著鴟媒催歸急只說兒家故里惹斷夢淒迷無際
明月二分今宵照唱秋墳容易酸文遞燈閃閃落涼穗

柳梢青

題程一庵柳衣園圖卽用汪礪曇太守韻

柳也如人得趁東風眉眼開新歲歲年年綿綿絮絮果果因因
分明一片高雲暗邊作枝頭好春酒地茶天琴言月話東主
西賓

玉京謠

元夕後風信俗稱落燈風卽金峴老詩所謂曳燈風
也

似被封姨妬蠟淚盈盈捲向銅盤膩料峭連番街塵清已如水
算只是殘劫毘嵐頓換了瓊壺天地曹騰裏蛾兒鬧醒雲飄煙
墜朱旛兀自搖林際甚魚龍竟一齊鷁退笑我書釭冥冥都
縮油穗便者時能洗繁華怕更有花花來替扶紅起重認剪刀
痕細

柳梢青

題查樣客

有折

銅琴館圖

樣客即小山近號銅琴其新納雅人也

綠浸窗紗攤書纔罷又聽呼茶鬢髻煙猜衣裳雲想春在兒家
長紅短白天斜者顏色爭伊不差慢水中央虛亭四面人坐
當花

絳都春

唐花

嫣紅姹紫間密窹幾時潛藏多麗識得東風一面纔逢春如此
休疑數九寒消易漸絳帳都添桃李豔陽恁早粧樓信息未須
驚遞 會記紅橋舊路冶春去眼底尚愁憔悴曉枕夢回濃笑
重逢書空也似成唐字只火速光陰難恃還應深雪簾櫳爲伊
夜起

如此江山

題柳如是初訪半野堂小影應查棧客屬

茫茫畱得飄餘絮堪憐者般身世雪欲飛時煙當冷處才識尚
書門第紅樓畫裏認家令南朝黨人北寺記効綢繆春風相對
幾眠起鉛華應已洗淨只虞山新翠微映眉際高簇危巾徐
揚侈袂莫羨兒家俠氣桃花扇底也不惜嬌魂肯拚生死家國
誰人一池餘恨水

輓轡金井

題屈蕪山聯芳秋林讀書圖

好秋難得送清清最是一鐙明處酸入西風稱書生情緒伊吾
夜午似忘了老蟾來去葉亂如呼蟲繁似荅開門看雨童時
爲愁記苦怕油缸欲殺挑罷還觀翠幙深籠羨者時庭宇膏腴
採取定俊味雪鱸輸與古渡荒寒空心剩在憐余病樹

齊天樂

鵲橋

撲空又學長虹駕年年爲誰辛苦碧漢當中紅墻對面莫怨無
梁可渡雲霄萬古正月白波清羽毛堪數去去旌幢一條平軟
待靈步比伊精衛差似只全填恨海餘負難補陣攏千盤影
迴三匝生怕秋期還誤休嫌夜雨且洗了車塵再商乾語倦翅
歸來禿頭重認汝

滿江紅

河燈

荷葉波涼訝重見闌紅無恙簇煙外乍明乍滅幾家齊放前浦
暗隨漁火亂中流緩學鮫珠盪蔦星星一串過橋來風頭搶
魚龍國金銀旺薜荔界光明仗似檣竿倒影暮郵同傍虛白炯

含凉水潤餘青慘逼酸文唱逐殘螢又到小雷塘蘆根亮

桂枝香

題唐子畏美人拈花圖

江蘇塘所藏云卽三笑因緣傳奇中秋香也

秋迴一翦只脉脉無言折枝低捻金粟前身約畧破禪香濺風
前記起靈山笑證三生眼波重展泥金衫袖滲金窗戶斜陽人
面料只是情天眷戀肯才人名字押上紅笺游戲光陰儘
風花磨鍊初三下九頻頻約怕梨渦暈來難淺幾時圓合蘭因
絮果盡圖相見

摸魚子

題陳受生

均行脚看山圖

笑平生期山期水年年孤負芒屨如君崧嶽遊纔返脚下尚看
雲起行未止道樵擔僧包有路前頭指松陰幾里正磬響穿林

泉流接窻開看故山翠 乘風快偏又相逢旅次蕭蕭聊頓霜
翅虛空試展臨江望約略淡蛾煙裏歌舞地算兩眼能青除向
金焦洗楓人醉矣便風氣寒多石頭路滑筇杖健堪倚

鬪百草

鬪草

有約煙邊相邀煖處尋來早鞦韆沒易釵股輸防深悔那回草
草拚工夫更細窺宜男渾忘斜照漸蝶滿南園迷迷閃閃粉爭
香開 休悵吳宮故地吹醒寒蕪還惹采香重夢到綠意分明
紅心宛轉定贏得相思不少清明近仕女圖應畫成了芳期悄
剩回頭褰腰一道

永遇樂

木瓜

詩授童時爲商瓊報殊繫情欸小雪光陰殘年風味船恰宜城
轉脂痕露染粉痕香漬夢醒枕根尤戀只羈心容易酸楚遠山
隱隱如見老禪曾對者般癢狀可也稱伊黃面性只溫宜味
因涇永藥已籠中選乞靈笑我頽唐腰腳名字儘教書慣道京
口沽春更近一帘影飈

李白詩客心自酸楚况對木瓜山按木瓜山在河西郡介休縣本草木瓜療轉筋呼其名及書上作木瓜字皆愈又

木瓜酒出
鎮江口

憶舊游

題改七薌琦少年聽雨圖

問疎聲瀉竹冷暈搖燈何處紅樓送過蕭蕭出悔那時青鬢慣
惹閒愁幾多酒邊殘夢盪漾在簾鉤漸催了花飛趙將葉落春
又成秋悠悠記難忘去是點屐胡梯添火香篝一樣窗紗外
怕換些酸楚滲入心頭莫信竹山詞苦且唱少年游好挈榼晴

落流鶯滿樹啼未休

湘江靜

送張仲雅還湘潭任

草長蘼蘼花滿路
黯東風別離情緒
湘雲才定湘波又起
早湘人儘去
舊夢縈篷窗偏尋到
鷓鴣啼處相思更遠
山長水長黃陵廟竹枝苦
雁幾程鶯幾樹
幸先生熟游能賦垂簾晝日籠
燈夜榻好修成琴譜
子野閣猶畱知難忘
去綠楊城住重來屈
指雙旌五馬歐蘇共數
君舊出揚州所居有三彭閣蘇用子野事也

木蘭花慢

木筆花

領宜春館事
簪白筆便生風
早密透銀尖輕抽紫穎
插架玲瓏
東皇暗憑點染
譜羣芳先奏管城功
一片雲藍倒映饒伊得意

書空 茸茸幾辨簇惺忪約畧小蓮同訝江郎夢醒飄零蝴蝶
各自西東繁華只愁易了莫批紅判白太匆匆怕是尖頭易秃
釵來清露常濃

江城子

送家香竺還粵東

紅橋幾日柳枝長綰游韉惹離腸盪得空江千里綠草茫客也
如春留不住來渡口趁斜陽吳天此去且徜徉看拋桑看拋
秧怕是春蠶歌裏要催裝及到官衙應暑雨煩寄我荔支嘗

有正味齋詞續集卷二目錄

錢唐 吳錫麒 聖徵

紅橋笛唱

賀新涼

題蒲進士竹蒲聲出塞圖

三部樂

河豚

好女兒

紅橋觀新荷

唐多令

琵琶仙

移春樓過釣夏已催鰲詠迭尋主賓互集有過竹林之數無虛河朔之期人謂自韓江雅集以來六十年無此盛矣因各譜此詞紀之

前題

選金手山從漕師許秋崖先生北上兼懷東南

孤鸞

慰黃兩峯謂悼亡

買陂塘

詠盆中蓮子成荷

湘月

題馬湘蘭蘭竹

瑤花

題嚴小秋駢生憶秋圖

西湖月

廖復堂招飲於梅花嶺香遠堂即用白石老仙元韻

沁園春

題畫

霓裳中序第一

詠二分明月

壺中天

題王葵堂林屋吹笙圖

前調

題西子浣沙圖應孫梅龔慧屬

醉太平

題曲素存江小照

買陂塘

題廖雲程風雨懷人圖

前調

題袁蘭邨通小倉山房月話圖

愁倚欄令

浣紗溪

臨江仙

病中作

菩薩蠻

憶舊游

北郭外觀葉花

惜餘春慢

題楊召林雅園雅集圖

菩薩蠻

何夢華屬題梅花士女

醜奴兒

草有名馬蘭頭者詞以寫之

過秦樓

題嵇姓園紅樓遙指圖

一萼紅

重九後一日家山尊六十生日同人集紅橋西園釀飲為壽賦此侑觴
卽用山尊原韻

前調

山尊詞注劍潭秋夜詞音調凄惋吟調不休邀余同賦再疊前韻

前調

洪桐生擇湖上法海寺為藏書之所諷言庀材落成有日邀同汪劍潭家
山尊貴仲符置酒其地屬為詞以張之余欲止之不得也因賦是篇且寄
慨焉三疊前韻

前調

長至日壽胡硯農觀察五十生日同山尊四疊前韻

前調

黃母丁孺人節孝詩五疊前韻

前調

山尊早春過秋雨菴有懷舊雨情見乎詞余亦慨然同賦六疊前韻

前調

爲汪劍潭悼亡七疊前韻

前調

憶張仲雅湘潭八疊前韻

前調

題友人蓮塘圖同山尊九疊前韻

前調

題張稼村農部瀨六橋撰杖圖十疊前韻

夏初臨

初夏有憶

意難忘

有懷溫讀舊游

南樓令

題石谷上人小像

眉嫵

小周后提鞦圖

高陽臺

七十初度避人江上賦此自慰

秋蕊香

萊萸灣值雨飯于石公方丈得觀早桂

臨江仙

夜泊瓜州

漢魚子

翠屏洲在瓜洲之東與金焦可左右望而大江若來會之其間蘆葦叢生鷗鳬弼望吾友王柳村始家焉所居有種竹軒小輞川曲江亭諸勝而花木之繁衍圖籍之度藏芸臺中丞尤喜稱之蓋柳村內能盡事母之誠外能篤士大夫之好其自得之樂豈小之所能同其樂哉余與流連竟日因書此以貽之時乙亥七月二十八日

南樓令

題曲江亭爲柳村賦

臨江仙

吳園探桂

一萼紅

余七十生日承諸同人各以此詞爲贈余愧不敢當旣述余感且以答所貽云

有正味齋詞續集

錢唐 吳錫麒 聖徵

紅橋笛唱

賀新涼

題蒲進士作蒲髯出塞圖

聽過關山笛惹西風馬頭捲起塞陰蕭瑟落日紅衫搖策去颯
颯髯如蝟磔攪萬帳旌旗明滅手把尉遲盃不放送邊聲恰照
長城月腰間吼一條鐵旗亭數去才無敵況金門也曾對策
壓伊豪傑可惜蓬萊風引去枉卻身經鼇闕且算是曳裾狂客
貪戀琵琶彈小妓只天鵝怕染吟髭雪要消受種花樂

三部樂

河豚

販鮮船早道一死能甘已拚坡老生成奇味那許魚鰕爭鬧休
只貪網西施惹發風動氣忍俊多少漉漉乳時始信金訶披好
三頭聽誰部署漸上燈節過又催春到經得絮花雪大桃花
紅小洗纖埃井華易淨約饒口腥砧須飽呼莫且莫
呼莫莫待荻芽蘆芽齊了

好女兒

紅橋觀新荷

故苑約重來鷗鷺已先猜不信田田綠意忒費畫羅裁
小筏劃波開早扇底嬌面偷回薰風換了涼雲攤到驟雨歌催

唐多令

黃鳥話春風前頭已落紅誤闌干夢太忽忽卸了柳綿剛幾日
偏換得袂衣鬆愁去漸無蹤新來燕乍逢占茶天最好簾櫳

獨卧高樓貪聽雨忘一夜綠陰濃

琵琶仙

移春纔過銷夏已催觴詠迭尋主賓互集有過竹林
之數無虛河朔之期人謂自韓江雅集以來六十年
無此盛矣因各譜此調紀之

才締鷗盟已添下幾許煙波蹤跡偏又春夏相期黃鸝樹頭說
憑說與揚州夢好要重聚客星今夕出網鮓肥營巢燕瘦情共
縈結莫道是潦草盃盤恁邀到天邊二分月還賴者般滋味
勝尋常裙屐暗畫出閒雲一片被野風幾度畱得只城郭年年
綠楊能識

前調

送金手山從漕帥許秋崖先生北上兼懷東南

回首東華軟紅裏又換當年陳跡惆悵高館春移難把舊情說
只記得舊時燕子伴殘月水荳簾隙飲水詞傳夢回鼓角愁遠
沙磧算還是蓮幕風流有帆影相隨數晨夕經過亭長亭短
道垂楊偏識憑萬舫明燈歇後和冷蛩有此吟客但怕賞雪龍
門那時畱得

孤鸞

慰黃兩峯悼亡

碧雲催暮聽碎珮零環樊桐歸去白奈誰簪冷逼畫簾微雨愁
暉縱餘晷暖問琅玕幾畱陰護只銀河者般清淺忍匏瓜孤處
那待阿灰腸斷句已頭白潘郎不禁悽楚江國頻年記伴種
花辛苦青燈一般滋味歎官貧更增離緒今日須營齋奠可俸
錢支取

買陂塘

詠盆中蓮子成荷

問冰幾幾時裁植
掀泥微擢纖媚勻圓爭得如錢樣已到欲花
時矣清苦意便不識蓮儂也帶儂滋味疎簾淨几看軟柄須扶
柔莖易顫牽引到絲子橫塘路曾記房房密比秋風畱下根
祇正愁兒手拳難見山谷詩實中有么荷拳如小兒手卻又苗條如此恣游戲要竹
葉編船學作擎香艤芳情箇裏道扇許螢堦盃客蟻泛且結小
連理

湘月

題馬湘蘭蘭竹

板橋回首歎夕陽金粉都消煙水馬四娘家能指點約略枇杷
花底香草前緣幽篁小影畱得嬋娟契卽論翰墨美人原是名

士聞道放誕風流千金結客更挾朱家氣素素不來眉子嫁
拈弄丹青而已三點心頭雙鉤指上欲換湘魂起環交珮互肯
忘飛絮園裏湘蘭寄買樓船載小鬟十五
置酒于飛絮園爲王百穀壽

瑤花

題嚴小秋

駿生

憶秋圖

黃花新雁落葉哀蟬問可禁秋苦西風滿眼尚記得往日那條
來路青苔堆滿怕履印也無尋去只賸伊簷鐵敲鏗亂了珮環
無數我是獨處匏瓜歎霜華吹老酒錢如許爲君恨觸莫更
被圖裏離華畱住關山楊柳仗一笛喚回羈旅早又值醒枕寒
生夢斷畫簾微雨

西湖月

廖復堂招飲於梅花嶺香遠堂卽用白石老仙元韻

東塘西浦問身已江湖搖蕩何處翻笑誤浮名任匆匆光陰老去漁兒相喚且學我短蓑掀舞誰與伴著書笠澤千古多情約來此地破蒼茫還催好句見說年年總要招攜舊雨酒漚涼
簫繪飛芳縷醉敲篷柱憑鷗語今朝載在明府

沁園春

題畫

無悔無嗔一念堅持不退轉輪任者般藍縷拖泥帶水當場敲
鍊苦熬辛鼻孔繩穿肚皮篋束棒喝無端到頂門將家去笑
貓兒狗子別甚冤親今番認破前因道菩薩塵凡現化身要
羈提宏願證明忍土盆蘭變相唱徹酸文百丈騎牛只尸調馬
莫認那羅戲是真神通大儘三乘踢倒予欲無言

霓裳中序第一

詠二分明月

停盃幾度要來把明蟾細評付爲甚蕪城偏準道半逐笙歌半
隨金粉迷離目孕算破瓜剛是時分憑賸取無賴光陰約略柳
梢認幽恨繁華一瞬漸閃過玉鈎低隱眉痕都蹙涼暈訝劃
向誰邊者般淒緊天心看最近定玉宇修成有信休輕惹詩人
拈簸靈魄更教損

壺中天

題王熒堂林屋吹笙圖

髣髴無數愛晶簾隔處者般清透灰陷金爐人未到隱隱已聞
瑤奏鶴語天空龍吟水定漸到黃昏後梅花煙軟一蟾吹出湖
口曾否羽袂攜來三層樓上松吹同消受去去前林畱且住
恰好碧苔鋪厚窈窕余思參差爾奏指爪頻憐瘦銀河悵望薄

寒微側衫袖

前調

題西子浣沙圖應孫梅龕慧屬

苧蘿顏色問幾番明月照伊千古還許拈毫描瘦影活脫波心
能語白紵歌遲黃絲唱早一樣牽情緒含顰窺見只憐無波愁
處空歎故苑烏啼梧桐葉落脂粉隨流去何似若耶溪畔石
牘有青苔遮護單舸茫茫空波泛泛那得浮家住春風吹夢啖
花來看魚聚

醉太平

題曲素存江小照

嵐移若煙泉吟亦絃我來讀畫其間望高雲在天歸耕沒田
買山少錢揚州一鶴翩翩似阿儂可憐

買陂塘

題廖雲槎風雨懷人圖

已天涯者般騷屑恁教攪入風雨濟南縱說多名士相望不堪
孤旅鐙似縷怕酒醒雞鳴送到傷心句吟蛩又絮問半枕斜偎
一舟橫盪飾響豆花未年來事我是匏瓜塊處茫茫偏惹愁
緒春夢易殘婆亦老賸箇白頭鷗住思故侶歎楚尾吳頭安得
尋君語相思最苦便紅樹搖晴銀蟾移亮難慰此淒楚

前調

題袁蘭邨

通

小倉山房月話圖

者亭臺舊時曾記老仙今已何處西風也送么蟾到照透晚來
窗戶涼似許只畫不成煙一片傷心樹相逢且住恰酒殘新溫
琴言好佇缺月正須補

蘭齋先生不善飲且懼于倚聲今
蘭邨能兩兼之固足補其缺矣

勿勿別還念

燕山此去游蹤都怕難據畱人只是江南好攔住青山無數頻
回顧道鷗鷺休猜要認重來路他時喚渡待臨汝郎來清光相
對高詠泛牛渚

愁倚欄令

蘆花蘆葉前汀要來看漁家晚晴不怕渡江風浪惡紅板船平
行行月子如迎漸聽到瓜州二更多謝一瓶京口酒睡醒潮
生

浣紗溪

說破茫茫夢一場不堪微雨正淒涼黃花影裏過重陽
蛩欲啼時偏緒短雁無題處最情長偶然觸著便思量

臨江仙

病中作

吹過殘雲欲凍撲來落葉偏驚目憐藥裏大關情略移枯枕透
入半窗星 隱隱帶圍銳減蕭蕭髮素行增揚州夢裏可憐生
襠襠瘦鶴只是耐伶仃

菩薩蠻

春波軟盪紅橋水多時不放鶯兒起一樣夕陽天畱寒待禁煙
已是人消瘦祇此情依舊可奈別離何明朝楊柳多

憶舊游

北郭外觀菜花

認平田簇繡古岸鋪雲別有春光遠聽蜂聲鬧只聲才覓到先
蛺蝶黃莫疑六朝人去金粉易蒼茫但布滿祇園袞袞風起一
路斜陽 尋芳引人處是清彌透豔煖恰烘香好發新醅對宛
鵝兒顏色有約評量畫榼四圍分坐來占酒人場怕綺郵遙連

差差麥浪催趨忙

惜餘春慢

題楊召林稚園雅集圖

葉隱巢鶯池眠宿鷺一樣淒西風景雲煙奇弄山水清游能鼓
卧游高興偏奈老木幽蒼點染丹青易生淒冷歎秋心吹入鴿
原煙草夢都難醒還賴是斜照多情招逮命侶來向欄杆同
凭晴開屋角秋借牆頭獻出幾峯端正憶京華有人拄笏看
餘鄉關能省好午陰散直鈴索恰搖花影

謂召林師黃左田
學士余門人也

菩薩蠻

何夢華屬題梅花士女

影兒已比梅花瘦多情偏愛花來就不怕綈衣單畱些昨夜寒
欄杆明月到三九光陰好恣意踏花行弓鞋塵暗生

醜奴兒

草有名馬蘭頭者詞以寫之

江南草長鶯飛熟
薺換花殘芹雜泥
銜野綠肥挑雨一籃田
家滋味朝炊早畧糝吳鹽也
趁時鮮持賽花豬分外甜

過秦樓

題嵇姓園紅樓遙指圖

隔斷垂楊收回斜照似有玉鈎聲弄前廂翠掩別幕雲低緊護
鴨爐香重猶記繫馬來尋畱住春衫落花風擁歎春光幾度雕
闌畫檻烏衣如夢休問是葉葉根根渡頭人去擁楫更誰吟
共臨窗瞥見點屐還聽記接那邊晴竈莫問天涯水涯好趁鞭
絲且飛煙輕謝芳草多情一道裙腰相送

一萼紅

重九後一日家山尊六十生日同人集紅橋西園釀
飲爲壽賦此侑觴卽用山尊原韻

羨揚州恰仙人樓閣稱得客星游簪待黃花觴行綠酒逢君六
十平頭記一樣蓬池斫鱸只觚棱月換舊時秋燭猛歌豪金迷
紙醉那不勾畱 若論平生事業賴文章潤澤霖雨綢繆小寄
東山暫紆

前席關心只爲松楸甚蟹稻都煩料理望茅簷頻爲夕陽謀
君之養獨異今遂終制值歲時大旦蕭給米以贍三哀纔是壽兼民物福被林邱

前調

山尊讀汪劍潭秋夜詞音調淒惋吟諷不休邀余同
賦再疊前韻

倚闌千漸蕭蕭落葉送過幾分寒霜氣蒙頭雨聲灌耳不堪逼

入愁端早無數蟲機雁牖近黃昏燈暗聽來難偏耐天涯啼辛
絮苦遲到書看一樣山長水遠更砧催浣急笳弄吹繁往事
如雲舊游成夢怎禁重訴哀彈驚觸起枕函香動惹酸心多爲
木瓜山感我樊籠鶴老醒枕魚鰈

前調

洪桐生擇湖上法海寺爲藏書之所諏吉庀材落成
有日邀同汪劍潭家山尊貴仲符置酒其地屬爲詞
以張之余欲止之不得也因賦是篇且寄慨焉三疊

前韻

論生涯忍名山萬卷捨向梵王家螢火搜尋牛腰束縛堪嗟過
眼風花想吾道津梁已倦藉者場勝果證袈裟鏤腹銅圍傳衣
寶付呈佛詩誇還憶鈔來善本在春明坊裏同岸烏紗秘簡

嬾嬾叢編宛委幾回細剔雲霞幕換了華嚴富貴付杪羅幾樹
夕陽遮且與同斟米汁閒老蒼華

前調

長至日壽胡硯農觀察五十生日同山尊四疊前韻
羨陽回恰圍爐官閣好約侑新醅星斗三台鬚眉五老同聽鶴
奏南飛颯颯瑤花飛起捲蓬萊五色畫仙衣景祝天長時畱春
小年賀冬肥 十載京華舊夢已茅檐偃曝容掩荆扉廣廈胸
中蒼生心上如君正賴支撐莫笑白頭無藉甚願綵線重添補
袞絲歲歲蜜梅花底來禮牟尼

前調

黃母丁孺人節孝詩五疊前韻

柏舟詩歎風詩一卷苦節幾人垂詩經多載婦人詩全節者惟柏舟一人而已竹念孤生桐

悲半死得期同穴何時但畱取卷施味在道抽來心苦我能知
慘念饑猿哀憐凍雁身是羈雌幸賸懷清臺在任銀盃易化
丹穴難移窻窻經營松楸指點依稀夕照人歸到楔棹今番雲
外已荒原屢換白雲飛直待草生書帶方識孤兒

前調

山尊早春過秋雨菴有懷舊雨情見乎詞余亦慨然
同賦六疊前韻

漸寒輕趁新泥送軟有約踏莎行吮引簪圓笑流香細破禪潛
逗春聲正竹外短筇扶去鷲吹來鈴語帶淒清米汁都消淨瓶
易冷誰話三生且喜家風賸在道竹鍼麻線不費經營黃蘗
茶煎桃花飯煮依然舊日盃鐺只怕是柳枝幾度漸落花風已
緊蕪城那不髣髴絲禪榻此地關情

前調

爲汪劍漚

七疊前韻

掩轡欹歎游仙人去漠漠積寒苔雜佩猶畱綦巾故在只愁潘
鬢霜催幸賴是回頭嶺近廣西鎮遠府有回頭嶺在施恩縣地早瘴鄉聯舫賦歸來錄
補塘城書編彤管果證蓮臺尤羨佳兒鵲起有選樓高格水
部清才夫子文章一家著述修成奇福應該只天上瓊花易返
誤春風不見廣陵開徒惹鰥魚淚漬醒枕難揩

前調

憶張仲雅湘潭八疊前韻

送風蒲記桃花江上一棹雨糝糊數過郵程寄來吟札但憑蠻
語傳呼悵三十六灣煙月照琴堂未許夢歸吳黑蝶吟忙紅蕉
種早丹荔嘗初賸我竹西近在只藥爐茶竈已學禪枯三影

分吟

君在揚所居
有三影閣

一箏傳唱

近復以箏譜
詞新刻見寄

勞君尙念菰蘆歎無奈蕭

蕭白髮聽啼來峽裏早猿孤多謝斜陽影在寄不成書

前調

題友人蓮塘圖同山尊九疊前韻

覓蓮儂愛重花密葉搖盪水雲中
鷗鷺聯床菰蒲借夢洗教熱
惱全空
驀十頃玻璃風起渡涼堂
劃住酒波紅
不定珠圓十分
香透一樣心通
莫道東林社裏也曾修
淨土同證禪宗
暗曳明璫徐移羅襪
但憑魚戲西東
最難得月遲煙曉
恰招來君子話
清風正是歌回白紵人倚吳篷

前調

題張稼村農部灝六橋撰杖圖十疊前韻

奉清游
恰春來花鳥杖履任悠悠
塔認黃妃魚呼采嫂多緣此

段句畱漸催動外湖船早讓西冷閑了舊沙鷗聽鬧漁榔看攤
香市且賃僧樓最羨先生瀟灑任郎君官貴儘慣林邱長帽
青籠寬鞋紅趂但爭老子風流只隄上柳催及第要他時傳唱
出

皇州

樊榭先生所集西湖南宋雜事詩有隄上風光及第柳山中春到狀元花之句

值得阿翁笑口重學遨頭

夏初臨

初夏有憶

蝶振新衣鷗圓舊夢多情猶賸垂楊風外餘花趁情有約吹香
只憐飛燕成雙啄殘泥來度鄰牆淒迷賸在愁春未醒平前度
斜陽單衫乍試小扇輕攜筍將成老蠶已停忙啼鳩雨外催
教綠滿橫塘難得年光簇園林草木千章透新涼纔過麥天旋
換梅黃

意難忘

有懷滬濱舊游

梅雨紛飄記停帆前度聽報雞潮白移沙岸活黃帖渚雲高停
楚曲邊吳舸屢費故人招閱幾番漁商市鬧蠲稻風高年來
病榻無聊歎情拚墮絮身亦枯匏茫茫如夢令黯黯可憐宵殘
星轉冷露消老鶴合歸巢無言處九回腸斷曲曲離騷

南樓令

題石谷上人小像

透頂壓寒青飛空舞片雲是松是鶴卽聲聞難得莫灣清不染
纔證到阿師心米闕魚喧逼吳頭越角分刹竿豎起問來因
要取者番茶夢熟勝誦了度人經

眉嫵

小周后提鞦圖

趁微雲遮閃踏過香街依約踐苔印聞道柔儀殿娘來唱容華
桃李爭勝被塵隱隱只褰幃防有人問算須待亭子紅羅護合
歡夢纔穩翻念昭陽私幸甚人間樂府傳唱偏盛天水碧潛
催流珠去何堪故苑人盡畫圖試省歎前游空記龍袞便重念
家山怕已墨雲凍疑

高陽臺

七十初度避人江上賦此自慰

未老荷花徐涼柳色最宜江上人家來往鷗鳬相逢共說年華
自念夫離身世慣只添教白髮堪嗟悔蕭條似此浮生何況天
涯平生自愧觚稜熟道卅年內翰塵滿烏紗屋今年枉勞
春夢婆誇指點破帆歸幸早已西風夕照吹斜謝畱人白露多

情蕩入蒹葭

秋蕊香

茱萸灣值雨飯于石公方丈得觀早桂

瞥見風馳浪驟人道蛟龍來鬪西南一角雲光走已有佛頭青
厚 禪房尚聽飄殘溜留人久阿師無隱參先透不待落花香

臨江仙

夜泊瓜州

日黑星移燈屢閃依稀打過初更清游如此太多情豆花涼帖
地如雨咽蟲聲漸逼疎篷風淅淅幾家茅屋都局茨姑荷葉
認零星不知潮欲落漁夢悄然生

摸魚子

翠屏洲在瓜洲之東與金焦可左右望而大江若來
會之其間蘆葦叢生鷗鳬彌望吾友王柳村始家焉
所居有種竹軒小輞川曲江亭諸勝而花木之繁衍
圖籍之庋藏芸臺中丞尤喜稱之蓋柳村內能盡事
母之誠外能篤士大夫之好其自得之樂豈人之所
能同其樂哉余與流連竟日因書此以貽之時乙亥
七月二十八日

認迷迷蘆灣扶杖人家都沒尋處畧有閒鷗吹影入卻喜故人
相遇呼曉渡看幾葉殘荷半牘紅衣護徐飛健舫趁短笠斜遮
不多響過幾點逗涼雨清游好難得朋尊快聚捲簾重論幽
趣濤聲只在闌干外畱得金焦常住天亦許道一樣茅茨莫但
塞蘿比高情萬古正子胥鋤未姜魚網得樂事自今數

南樓令

題曲江亭爲柳村賦

煙水望來寬，斜陽畫出看聽濤聲隱隱生寒似與廣陵圓舊夢
催海月到闌干，白鷺一痕乾茅亭客正還論往來今古須參
我是之江三折慣怕揚子認歸帆

臨江仙

吳園探桂

此地問誰招隱小山有約尋幽離騷遺怨廣寒秋古香吹逆鼻
黃雪撲盈頭，月于二分光照露華五夜爭流最宜金粉畫揚
州霓裳開寶席仙珮豔瓊樓

一萼紅

余七十生日承諸同人各以此詞爲贈余愧不敢當

既述余感且以荅所貽云

數前程歎飄飄萍梗底事誤浮名幾處游蹤百年生計消磨雨
枕風燈也聽慣平沙鴈叫只往來難認雪中痕春夢模糊冬烘
潦倒秋葉零丁多謝良朋契合任天涯海角一樣關情舊雨
青苔故人白板今朝來說前盟怕驀地移宮換羽惹秋墳鬼唱
不堪聽且共一瓶濁酒醉倚雲局

朔天風正觚棱翠聳隱隱五雲中煙水寧貪文章未報病餘自
愧衰慵感老去鬢絲禪榻夢歸來猶戀景陽鐘仙侶蓬壺朝班
鷗鷺尺五遙通誰遣揚州慢唱甚臯比忝竊愁說歸農荒到
松楸妻生井臼自憐身已枯桐幸此日羣星會合仗錦袍一領

照衰翁起望長安西笑藜火增紅

甲戌五月奉

旨以唐人文集發揚州校刊計明年五月可期蒞事時總其成者離

政阿公厚菴分校者雲南谷西阿際岐湖南唐陶山仲寬廣東李小松鈞簡江西劉金門風諸
江南孫淵如星衍洪桐生梧石琢堂韞玉汪劍潭端光江漪堂鍾泰敦夫思復貴仲符徵黃闕

華文輝趙芸浦佩相在激泉壽齡吳山尊煎浙江錢次軒杖直隸施聚泉杓浙江莫
葆寅晉陳小孟鴻墀而錫麒亦預其列焉自來維揚賓客之聚未有盛於此時者矣